


G30

546

430  
546



李中丞公接淮小牘序



余見中丞李公道父所為之牘

雙鶴軒集之若干卷接淮小牘

若干卷悉之所刊行其藏於家者

不與也之世士類矣在承以詞人

命於當世江表與張之理庶焉

不滑而所為詞第不細其擊脫  
一多尚乎性性公相閑深沐縣長  
於調端七所行古七流詩是已乃  
朱讀公小章是尤悚然三嘆焉公  
以弱冠金

躬方執州計部何奚之責而即

勇之當世之得失憤直臣之  
上之指陳為人懷私心忠懷斥  
已以裁勢

天子之志雖以忤時而直聲聞  
之六

主上雅哉其言台為南儀曹也翔

漢臬王晉為中丞子取淮陽  
上之公之治漢而公不為不遇其  
項中人以權州之校衡  
帝四出亡帝作燕之人每財盡之海  
內被之毒公之之憂之愈之以治互  
擁護

山陰縣張笑權心與民休之塞天  
下望主朋心為燕少公即來治之不  
少貸振事之窮之爪牙所擊不  
為旦夕害又府不逞之徒來時捕  
獲之因之萌草逆折之令滿之  
之吏弭於蟻穴之功甚大因法

台臺中人曉人多杜禍源及後至  
數千百之新時也

主上憂忻然受其憂時未定酬休  
付於後者即禍源危亡不必終之  
語不難披襟而之嗚呼公之能之  
与

天子之能官何必去人傳以稱王  
臣直其平何之善也日昔官監  
按城社之義行忠昭之勢士大  
夫積節之望其孰不勤也  
招核身而之衝觀其之忠賊不  
無如鷹之通也而皇

恒也他此誠修必之長城而社稷  
之漸已去九位而一遠難以保忠如  
壯而末滿難以活公少以直言  
忤章執事反二十餘禩乃愈益  
友舒保之為惟國之大計是圖  
眠士之一言實答其美也而媒  
和者為何如也

主上明聖於公嘗一斥而即收次  
不無少袖擊焉知

上不操然或寢初用公以竟太平  
之理乎未始為之序以為明公  
之本末而與士民觀之又知為

主社民之大業終屬之也

以庚曆歲壬寅長至日

賜同進士出身南來吏科給事

中夏人豫章祝世祿撰子書



撫淮疏牒序

選不佞吾鄉初備秋苗臺時則修

吾李公方為南納害云已公奪

上命撫治淮南北不佞適承乏防

江之役得親覩公行事為詳一

日公出奏草若干卷視不佞且屬

之序不佞既受而卒業喟然太息  
曰夫孝公則誠古所稱社稷心也  
社稷臣也所以爲悅在安社稷也有  
如不幸微賄其不安之端况首  
疾而目蒿矣必良以秦而寢若  
刺乎彼其中國有所大不悅也且  
百念百計轉不安而爲安以爲  
所大悅也我

國家二百三十季素薄海安於震  
盪盛矣中間南北雖間有倭虜  
之誑臣勤執事於衽席僅及于疆  
場憂不在於社稷也而自頃者

言利之在途至

明主為之聽榮今造數十中人於外  
以督責四方之入而此數十中人  
者壅潤

上恩因緣為奸利各從惡少年百  
輩耽之而親人肉於是海內數

莫必其生而社稷之隱憂伏鬱日  
釀日深而不可測謬矣謂此數十  
中人之禍甚於昔日之倭虜而  
當事者之難十倍於疆場之  
臣何者彼為門庭之寇而此為  
室中之戈彼之采穴猶可擣而

此之城社熏灌之所不弛旅也蓋  
今內自西畿外則剡帶之藩十  
有三其妻靡所不罄守土大吏  
亦靡不焦思極慮視四封如沸  
鼎而公所賜履之地北連青齊  
南包江淮鳳泗

陵寢在焉方數千里皆天下根本  
要害處而中人之稅于徐于兗  
者離于揚步礦于廬者勾爪踞  
乎環向而錯峙公以一身獨戰群  
虜之命百方勞其翼折其齒奪  
其已甘之內而方數千里得不喪委

於其緣喙者皆公力也居者於此  
安於唐耕者於此安於楚四方舟  
車而至者猶然出塗恃以公在  
也子澤抱鋤之衆以爲勝爲廣  
爲角爲巢者逆錯而不以爲公  
體弱之豫也而公之抗之觸雷電

以其身試禍者亦至矣即今公等  
明詔總大衆以倭虜從事其勞  
不過按尺籍伍符申約束如  
身使臂而臂使指戰勝于堂  
上可也何至艱危若是哉凡公先  
後所具疏無慮數十萬言其條

國家形勢述民間疾苦惻歎篤  
至大旨如澤剷向唐陸贄而恢  
慨激烈有加焉公之心惟以社  
稷之為東山為磐石而又懼其  
為紫萁為覆隍其勢亟故其  
情危其思深故其語切讀者由

其所大不悅而其所言大悅皆可  
知也

主上英喆雖弗快人譴激寔喜人  
忠直公犯其所弗快中其所喜  
涯揚臥治帝固有意乎黯者  
它日秉正當軸

國家終倚爲社稷

天子葵々自七日矣

萬曆壬寅九秋旣望高安朱吾弼  
序

撫淮小艸叙

嘗聞人主之患在不受言人臣之病  
在不盡言不受言者忘其國者也  
不盡言者薄其君者也人主樂受  
而人臣好盡則其綦隆之矣不數得也  
惟人主拂而不受人臣盡而不倦嘗

竭其憂危惓款之誠思造宗社無疆  
之福發其痛哭流涕之詞冀收感動  
改圖之益斯蓋臣之用心豈養榮持  
祿苟且塞責者可同日語哉余蓋於  
大中丞李公撫淮小草重有感焉公  
始為郎已以直言顯當世士爭仰如

泰山北斗

主上亦深知中丞目為社稷臣久矣強念  
淮北咽喉重地非鼎臣莫可填撫  
而以屬之公出

上意特簡也公而挾疇昔宿望乎第申  
明功令振暢威靈太苛蠲煩獎廉汰

墨俾海波不揚潢池無謗衽席一方  
之元斯亦奇矣由此雍宮委佩靈  
台衡公孤直旦莫耳卽不有明諫顯  
諍之烈亦足以標素潔青雄視百代  
夫何庸于焦唇乾舌噤然乳

至上之弗樂為也噫嘻是豈公之用心哉

自礦稅播雷民生日蹙茹毒飲恨之  
兆庶奚難于一逞察微貝景瓦解土  
崩之勢成矣

九閭嚴邃壅蔽滿前且有稱萬年之觴  
謂時當極治太寧無足為吾難者  
上固神聖其胡由知之衆方泄若燕雀之

處堂偉旦夕無事吾度嘆口調停會  
嘿固寵如國家大計何古有一言悟主  
能使好大喜功之君翻然罪已卒之轉  
亂為治易危以安成千載英辟之名則  
人主受言亦何常之有乎吾奚忍于遂  
料吾君之必不吾聽坐視危亡而莫之  
拯也茲公之所為心耳今讀諸疏無慮  
數萬言大要在收拾人心凝祈天命惓  
惓以罷開採之役止無藝之征召還中  
使為萬姓請命于

上至以公就爭之必欲得請而後已及覆  
開導憂深論切雖觸忤所忌諱紀

主之怒弗顧也令叙屈大夫賈太傅于  
九原聽之亦當慷慨悲壯以豈持祿保  
位之具臣所能窺其際耶不佞璧屬公  
綱紀之下獲卒業茲編自惟曩者立  
在交戟曾弗能少有建明當公疏一映  
茲伏處踈逖心卽怍然動詎能言乎  
故特僭申片詞於簡末以託不朽庶  
幾蒼蠅附驥之義云爾曰文也與哉  
整飭揚州海防兵備浙江布政使司右  
布政使陳璧拜手謹書



小草自叙

壬辰之歲余自晉乞歸未  
幾至於大故遂允有終焉  
之志臺省諸公謬相稱引  
於

朝

主上過聽起於田間于今又復六  
年己亥八月受事茲土時值  
多艱萬室如燬拮据赴之莫  
能救藥小才大任其效亦略  
可觀矣間有一二疏草關係  
大政揚之司理請存之以志  
歲月余不之拒也余亦從此逝  
矣語曰陳力就列不能者止余  
上負

天子下負朋友度身度時惟欠一  
去耳命之曰撫淮小草去國  
所謂受則為遠志而出則為

小草者也聊自愧也亦自責也又自哂也

萬曆庚子夏五月道甫李三

才自叙



撫淮小草目錄

卷之一

報代疏

議留馬價疏

就近議補縣官疏

糾劾有司疏

停止廬州開礦疏

州官患病疏

縣官給由疏

方面患病疏

按臣患病疏

議助川貴兵餉疏

回 奏詐鬴鹽商疏

預報盜情并停礦稅疏

卷之二

按臣患病疏

逆謀就擒疏

報援川貴官兵起程疏

卷之三

叅江防府佐疏

催處分逆犯疏

縣官給由疏

請修 皇陵疏

議改折色馬匹疏

回 奏失防貢物疏

回 奏棍徒詐鬴鹽商疏

第一停罷礦稅疏

回 奏歲改段綯疏

縣官給由疏

第二停罷礦稅疏

卷之四

回 奏廬鳳遺稅疏

回 奏淮揚遺稅疏

解發逆犯赴京疏

報秋災疏

第三停罷礦稅自陳疏

卷之五

查解河道錢糧疏

州縣正官免 覲疏

完解京庫錢糧各官開俸疏

府佐給由疏

考察有司官員疏

府佐給由疏

卷之六

縣官給由疏

府佐被察就近降補疏

催補淮潁二道疏

府官給由疏

議改將領駐劄要地疏

回奏棍徒串同礦稅詐騙疏

叅坐營中軍疏

報夏秋災傷疏

卷之七

回奏毆死稅官疏

叅誠意伯糾同稅官嚇詐平民疏

府佐給由疏

兵備患病疏

叅狼山水陸將領疏

就近陞補州官疏

薦江防府佐就近陞補疏

府佐給由疏

報上源水患疏

卷之八

州縣官給由疏

急缺兵備疏

江防府佐給由疏

造報河道錢糧并陳府官被繫疏

勘議河工截留漕糧疏

縣官被逮歷查貢扛疏

回奏貪肆將官疏

本院給由疏

蔡狼山副將縱容販鹽疏

歷陳國勢病由疏

內使被弄無已疏

卷之九

自劾待斥按臣譟推疏

坐營蔡將患病疏

州縣官給由疏

州官給由疏

報收漕運印卷疏

報糧船過淮疏

被論留守毆傷知府疏

報離任疏

查近例候代具而未上

報夏災疏

報糧船過洪疏

就近陞補運同疏

管河府佐給由疏

府佐給由疏

州縣官給由疏

釋放高牆罪宗疏

卷之十

會勘河道疏

報秋災疏

回奏府官並未隱匿河道錢糧疏

第一催代疏

薦舉押運官員疏

查叅奸黨妄獻鹽利疏

州縣官給由疏

第二催代疏

縣官給由疏

卷之十一

第三催代併陳民情國勢疏

府佐給由疏

報清河水涸稽阻糧船疏

停查田房稅契疏

報獲潁州賊首疏

第四催代疏

清河日涸改限疏

州官給由疏

減兵留餉疏

撫淮小草卷之一

關西道甫李三才著

奏議

報代疏

題為交代事臣先任大理寺左少卿萬曆二十七年五月初十日談吏部等衙門會題為缺官事等因奉

聖旨是李三才陞都察院右僉都御史巡撫鳳陽等處地方兼海防提督軍務寫勅與他欽

此欽遵談吏部移咨到臣臣隨赴鴻臚寺報名詣

闕謝

恩六月初六日領

勅初八日

陛辭於八月十三日抵臣所屬境內徐州地方即准前任巡撫鳳陽今致仕右僉都御史李鋹咨將原奉備賑救荒查催錢糧查理班軍饋運大木查催料價督造黃冊

勅諭九道

符驗二道

令字旗牌六面副巡撫鳳陽關防一顆并吏卷等項交送到臣當即祇領望

闕叩頭接管行事伏念微臣猥以庸流謬承

簡拔奔走徒久尺寸何稱備員棘寺猶慚平反之未能進秩柏臺益惟隕越之是懼盖鳳陽乃

祖宗根本之重地淮揚實南北咽喉之要區既

昇以撫綏之權兼領夫海防之重光承

明命顯被

鴻私自頂至踵功歸

造化盡瘁鞠躬豈獲自己敢不益勵夙夜之誠  
永效涓埃之報為此今將交代日期具本  
專差承差吳洪齋捧謹具題

知

萬曆二十七年八月十五日

議留馬價疏

題為通計處以濟匱竭事行據整飭揚州海  
防兵備按察使王之猷准徐海防兵備副  
使郭光復會呈奉撫按衙門劄案准兵部  
咨前事內開車駕清吏司案呈奉本部送  
據南京太僕寺呈二十六年分廬鳳淮揚  
四府共扣留馬價銀六萬七千兩克餉談  
本部查得釜倭盡退事覺稍寧前銀應行  
起解咨煩將原留馬價六萬七千兩自二

十七年正月起盡數解部發寺等因又准戶部咨為奉

詔查豁加派錢糧以蘇民困事內開四川清吏司案呈奉本部案驗山東清吏司案呈照得東征以來登旅津遼淮揚等處增設兵馬節經督撫衙門題

請俱於丁地內攤派原議事寧停止今島氛蕩掃奉

詔宣諭諸因東征加派錢糧一切盡令所司

除豁務為存撫勿事煩苛欽此案呈到部談本部看得先因倭奴猖獗武備當飭不得不加賦以佐軍興今幸東事敕寧物力當紓不容不節浮以蘇民困矧明詔嘉與休息在所司亟宜奉行咨煩查凡係東征加派錢糧一切盡令除豁等因俱蒙備行兩道會議通詳談兩道遵依會查得江北淮南淮北各營官兵除舊額六千六百七十三員名連船馬租料

軍火器械歲談銀八萬一千五百餘兩  
查有廬鳳淮揚四府徐滁和三州舊額  
軍餉僅足供用外惟自萬曆二十等年  
以來因倭勢緊急節蒙撫按鹽三院會  
議題

請沿海各營共新添官兵一萬四千八十四  
員名共添戰馬一千三百二十四匹共  
添戰船并雇募沙船二百一十一隻并  
修戰船火器犒賞等項歲談餉銀一十

九萬七千六百餘兩節留鹽課漕糧關  
稅贓罰稅銀馬價等項并各府增派賦  
役軍餉通融零湊支給至二十四年東  
事議封奉文為查解節留備倭銀兩以  
濟邊費事要將節留前項備倭銀兩盡  
數解部以是各營官兵凡有事故暫行  
停補陸續清汰減撤蒙前任督撫部院  
褚尚書會按鹽二院具題覆奉

欽依淮南淮北各營新增官兵除前汰減外

止准存留五千三百員名連船馬租料廩犒歲諛餉銀七萬二千九百餘兩仍准留淮揚鳳三府馬價銀四萬七千兩巡撫贓罰銀二千兩淮揚潁三道贓罰銀一千兩各府州稅契銀二千兩淮安鹽切稅銀二百兩海船稅銀七百兩及增派四府三州賦役銀二萬兩以足前數嗣因二十五年倭警復熾諛巡按周御史巡歷海上目擊兵單具題為倭情叵測內備當修敬陳江北戰守要務以預防範事又諛部院褚尚書會同按鹽二院題為倭報十分緊急重地兵單可虞亟

請增復兵餉以固

根本重地事題議增復官兵九千三百八十員名因請留鹽課漕糧未允止募完官兵六千一十員名連船馬租料歲諛餉銀七萬四千六百八十八兩諛兵部

覆

允廬州府馬價銀二萬兩戶部議留揚州關稅銀一萬兩巡按賊罰銀七千兩其鹽課銀兩不准留用續蒙前任巡撫軍門李都御史蒞任之初會同按鹽二院題為募兵缺餉憂在叵測懇乞

聖明速賜

允請以安兵心以裨海防事議將前項新兵不足糧餉仍於鹽課內支用部覆鹽課關稅

賊罰俱止留一年以後要比照山東各省量派丁地續該三院具題戶部覆奉

欽依加派江北四府三州各所屬丁地銀五萬四千六百八十八兩自二十七年起派徵遵照訖今蒙戶部查豁加派錢糧兵部取解馬價該兩道會議得兵餉廼

國家重務去留繫地方安危顧議撤議銷尤宜審處頃自東倭報警以來淮揚寔為密邇

陵京保障漕運咽喉非他處比故節蒙前督撫  
部院會同按鹽各院議增兵將計處餉銀  
以備不虞以固此重地耳嗣緣封使一遣  
遂謂海上輯寧一時取解銷撤為宴安無  
事之圖不旋踵狡夷告變沿海戒嚴倉皇  
號召募船除器又為臨渴掘井之計長慮  
却顧似不如是往事如斯可為殷鑒邇者  
島寇雖云退歸變幻乃其常態試觀今日  
情形恐難保其不犯矧地方鹽稅橫征商

民歛怨揆時度勢殊切隱憂若因節餉而  
遽爾撤兵似非萬全之策况易聚難散之  
衆一旦使之盡去安保其能帖然無事乎  
但今二部取解方急閭閻物力宜恤則調  
停次第之舉又不容不酌處於其間者為  
今之計合無以後凡官兵事故且暫停補  
仍嚴簡汰之法但有老弱不精技藝未諳  
者盡行革去假之歲年不但餉可省而兵  
亦可銷又恐管兵官有缺不以寔報莫若

歲限以數定以六年為期漸次清汰直至  
舊額而止似於銷兵減餉之意既得而於  
防患弭亂之計亦寓矣雖然兩道猶有說  
焉倭酋為謀叵測近聞其造船置器如故  
仍欲狂逞倘我之備禦稍疎則彼中乘隙  
而起濱海遼闊在在可虞槩依遞減之法  
則六年之後各營無一兵防守矣豈不可  
寒心哉若果真心謀

國不為目前苟且之圖而為將來計萬全似

當仍留勿撤俟二三年後果警報大寧海  
宇淑清方行議銷尤為妥當等因會詳前  
任撫臣李鋹覆加酌議得陸續新添官兵  
節留馬價贓罰各稅并派丁地軍餉難以  
盡減且歷陳江北沿海一帶極為遼闊倭  
雖退歸未可信為寧息鹽稅二使橫肆內  
地未可撤兵之時且見往歲驟然撤兵禍  
變立見不得已照依各道所議自萬曆二  
十八年為始以六年為期每年遞減而止

已經會議咨達戶兵二部去後萬曆二十七年八月二十三日該臣接管准兵部咨覆馬價錢糧係本部正額往因倭警告急暫留充餉此非一定之例今幸釜倭還巢兵三之議奉

旨停止復議留餉遞加起解蓋淮揚雖南北咽喉兵難遽撤芻糧係司農正額餉難混留相應咨催煩將前項扣留馬價六萬七千兩自二十七年以後盡行差官起解其本

處所留兵馬糧餉徑行戶部處給等因准此本年九月二十日准總督薊遼軍務經畧禦倭尚書邢玠咨據總領水兵總兵陳璘呈稱各營兵船皆係應召而來今皆歷有戰功允宜安插營伍仍乞移文各撫院發還舊地哨守即係各處召募亦收入空缺營內食糧防禦等因咨煩將狼山營官兵發還舊地哨守即係各處召募願歸農者歸農不願歸農者行令候缺查補又准

經理朝鮮軍務都御史萬世德咨開各該官兵奉調征倭已收蕩平之功今議班撤回鎮發還舊地哨守并收入空缺食糧一節當念其久戍外國戰功勞苦亦應准從查得狼山營係屬江北咨煩查照等因准此隨據東征千總殷尚質丁寅呈報撤回官兵一千二百七員名沙船三十九隻見今住泊通州修艚聽候分布據此俱經劄行揚州海防兵備道查照作何安插有無

舊地發還哨守不願歸農者有無候缺查補務要處置妥當去後先該臣於本年八月內受事以來即詢諸地方道府各官講究兵食之計畫議地方事宜僉謂淮揚重鎮江海要津鹽稅橫徵人心反側遞撤遞減之說不過圖塞目前而已明年春汛未可弛防兵數衆多未可驟汰則前項取解馬價豁免丁地尤當從長議處該臣謹會同巡按直隸監察御史安文璧馬從聘議

照江北地方幅員千里寔為漕運咽喉  
留都門戶而鳳泗

陵寢尤係

祖宗根本重地嘉靖間屢被倭寇犯境極稱要  
害之地後緣承平止留官兵六千六百有  
奇萬曆二十年以來關酋大肆狂逞分兵  
侵犯朝鮮而遼東天津山東登萊告急淮  
安沿海贛榆海州切近山東與朝鮮對馬  
島相望先後督臣增兵萬餘遼緣東封事

成紛紛議為撤兵之舉止存新兵五千三  
百員名仍留淮揚二府馬價銀二萬兩鳳  
陽府馬價銀二萬七千兩巡撫賊罰銀二  
千兩淮揚潁三道賊罰銀一千兩各屬稅  
契銀二千兩淮安醢切稅銀二百兩海船  
稅銀七百兩加增賦役銀二萬兩總計七  
萬二千九百兩充餉至二十五年倭奴背  
盟復陷開山警報孔棘羽檄交馳節該撫  
按諸臣建議添兵九千而餉難措處止召

完六千一十員名復議留廬州府馬價銀  
二萬兩揚州關稅銀一萬兩巡按賊罰銀  
七千兩鹽課銀三萬七千六百八十八兩  
後因關稅鹽課巡按賊罰俱止留一年又  
議自二十七年為始於廬鳳淮揚四府徐  
滁和三州丁地內加派銀五萬四千六百  
八十八兩以抵之總計前後所增官兵一  
萬一千三百一十員名所留兵部馬價六  
萬七千兩戶部稅契各稅賊罰五千九百  
兩前後二次加派丁地七萬四千六百八  
十八兩節該戶兵二部行文銓倭退歸查  
豁東征加派錢糧取解原留馬價故前任  
撫臣李鋹議為遞減之法六年而止今兵  
部回咨仍欲將原留馬價自二十七年  
解比臣謀諸地方諸臣共謂遞減之說實  
屬遷就目前原非經久之計蓋以部文嚴  
切不得已而為之詞耳夫淮揚咽喉南北  
號為重地自昔人人知之沿海地方極屬

遼闊前後撫按諸臣歷歷陳之臣何容復贅第臣愚適承人之身當其局計料安危揆度時勢有不能已於言者淮揚海岸極稱廣遠並無山谿之險名為財貨之藪昔年倭奴垂涎此地大肆蹂躪今新舊官兵不滿二萬即分布防守猶落落如晨星明年春汛伊邇狡夷之性尚在叵測萬一復犯朝鮮風帆任其所之東北風一作不崇朝而抵海贛安東鹽城之境矣此猶外患

也猶蓄艾撤桑之計也至如理鹽中使駐劄揚州而沿海通泰淮安三十鹽場數萬竈丁袖手罷煎計無復之囂然喪其樂生之念抽稅中使一駐儀真一駐徐州而長隨原秦人等虎噬狼吞家剝人削閭里驚騷穀然時起偕亡之嘆此等愁苦此等景象尤當一逞姑待時耳况兩中使所徵財貨悉貯此中悖入悖出不奪不釐此尤愚民之久欲甘心者一旦竊茲將何以制之

即如前日揚州強囚反獄若非官軍併力  
呂佾先登則窮賊攘臂一呼海上亡命無  
不嚮應劫庫殺人禍不知所終矣即

朝廷雖散內帑百萬募士擊賊以安地方不  
亦晚乎且兵部所取馬價六萬七千兩計  
銷兵五千五百餘名則每營當銷其半恐  
一旦驟汰窮迫之衆束手無歸欲其寂然  
無譁得乎此往歲薊鎮之噪滇南之變可  
為殷鑒者也竊謂當今時勢可虞愚民當

萬倍於狡倭防民當萬倍於防海真所謂  
腹心之患眉睫之憂言之心寒談之色變  
皇上萬幾之暇凝神靜思當不待臣詞之畢矣  
况淮安揚州並稱重鎮泗州鳳陽更屬

陵寢雖海內熙然四民樂業猶當念

根本重地咽喉要區厚集兵馬以拱衛之彈壓  
之而况外侮內憂種種若此柰何習瞬息  
之無事遂忘經久之永圖以一旦繫卵之  
不危而遂謂萬年泰山之可安哉兵部原

行將馬價六萬七千兩自二十七年起解  
而官兵按月關支已用過三分之二業已  
無從起解又謂本處所留兵馬糧餉徑行  
戶部處給今

大工需財甚急司農告匱凡各屬庫藏搜括殆  
盡又將何項抵補經畧禦倭軍門經理朝  
鮮衙門更以撤回東征官兵一千二百餘  
名沙船三十九隻咨回安插但此輩久戍  
外國歷有戰功遣之歸農則稱聽候分布

而業無農可歸留之哨守則當處給月糧  
而寔無糧可給無米之炊誠巧婦所不能  
辦者夫時議撤兵而經畧且欲增之兵時  
諫減餉而各兵且當增之餉是以臣日夜  
焦思計無所出遞減之說既屬難行惟今  
只有視海上警報之何如本境人心之何  
如以為撤兵之定準耳倘明春及秋內外  
寧謐南北無虞則議減議留從實酌處允  
不敢虛糜軍餉上虧

國儲下竭民力自取謀

國不忠之罪因時制宜之策似無逾於此者  
合無將二十七年兵部馬價六萬七千兩  
今既用過三分之二仍留充餉免其起解  
俟明年春汛視其警息稍緩并商民竈戶  
安堵如故即自二十九年為始盡行解還  
其戶部項下巡撫贖罰二千兩名雖濟邊  
而防倭即是邊務三道贖罰一千兩各屬  
稅契二千兩淮安鹽切稅二百兩海船稅  
七百兩俱係本地搜括修理戰船防汛官  
兵之用原非濟邊之數以上共銀五千九  
百兩仍俱照舊留為備倭支用二次加民  
丁地充餉銀七萬四千六百八十八兩亦  
必俟內外緩急以漸豁免東征撤回官兵  
一千二百餘名俟揚州道查議至日另行  
計處伏乞

勅下戶兵二部酌議上

請行臣等遵奉施行

萬曆二十七年九月三十日具題奉

聖旨該部知道

就近議補縣官疏

題為衝繁災地正官久缺酌議就近陞補以  
免廢墜事會同總理河漕工部左侍郎劉  
東星巡按御史安文璧巡鹽御史馬從聘  
議照淮安府桃源縣設居沿河極為衝疲  
連年水旱災傷民多流徙知縣劉體乾自  
舊年六月內該前任按臣周盤復

命叅論降調迄今年餘尚未銓補徐州豐縣當  
黃河上流之衝積歲沮洳尤苦河役知縣

鍾世章自今年二月內該河臣劉東星甄別年終河官叅論迄今八月亦未銓補顧桃豐二邑誠屬孔道素稱凋瘵者即今漕糧之交兌屆期河道之歲修方舉所藉於正官調劑撫摩更喫緊也然湏得久於地方真知其賢者方克有濟及查淮屬海州判官劉邦傑由舉人原任湖廣綏寧縣知縣降調委署桃源印務計已年餘安靜不擾深得民心山東濟寧州判官羅一夔由選貢註選管河疏濬多勞屢經薦剡此二官者幹濟既優若就近陞補桃豐二縣知縣員缺譬如駕輕就熟必能政修職舉地方相宜羣情允協相應會

題伏乞

勅下吏部再加查訪覆議上

請速將二官就近陞補前缺廢災地得人而政務不廢矣緣係衝繁災地正官久缺酌議就近陞補以免廢墜事理未敢擅便為此

具本專差承差蔡宗齋捧謹題請

旨

萬曆二十七年十月初八日具題奉

聖旨吏部知道

糾劾有司疏

題為糾劾不職有司以撫彫殘以肅吏治事

臣欽奉

簡命拊循江北第地當南北之衝且頻年灾沴  
軍興河患無日無之民不聊生真有不忍  
見聞者思所以拯救撫摩固非責之守令  
不可盖守令職在親民善則民受其福不  
善則民受其敝若貪劣無狀恣肆不檢則  
民生何賴焉是以臣入境之初夙夜未遑

廉察吏治惟恐不及蓋仰體

皇上惠養元元之盛心少盡臣職萬分之一也  
所有一二貪肆有司不堪長民者謹會同  
巡按御史安文璧巡鹽御史馬從聘據實  
為

皇上陳之訪得睢寧縣知縣譚廷珂才既闡茸  
性更糊塗遇事漫無可否惟吏書之是憑  
待下全無仁恩總囊橐之是計一派秋米  
五百餘石給散與長夫食用扣工食銀二

百餘兩皂頭施敬義官楊朝相等證一徵  
收鞭銀加二火耗多收銀三百餘兩遞年  
沈相花戶梁田等證一徵收鞭銀每次得  
寬限銀三十兩張世傑張至孟過證一侵  
扣運歸仁石塊銀二百餘兩工房書手周  
俊扣送埠頭張仰坡等證一查湖中魚船  
五百餘隻每一隻索銀五錢堂書張至孟  
管收船戶王文學等證一扣除本縣民壯  
一百五十名每名扣銀二兩四錢民壯頭

朱存仁等證一受軍犯甯錦銀三十兩不行追贓起解本人證一每日投文放告不論原被人犯俱問老不應仍罰稻二三十石不等刑吏胡汝珍柳門子知證一李友忠因女嫁鍾佳瑞得產病死刑吏胡汝珍門子劉應元指稱過送詐銀一百兩事發淮安府見問軍徒招詳一本縣汪主簿被盜拏獲薛登等聽伊仇攀良民魯尚志等到官夾打幾至喪命魯尚志等證一疎虞

致強盜薛登等六名越獄止拏獲三名乃縱快手郭策李選等濫拏無辜平民拷詐楊桂等證一邳州拏獲造言惑衆道人四名本官嚇要同會銀一百兩但有喫齋者差人訪拏闔邑不寧此一臣者到任業及年餘邑小而膏脂已竭守官大騰物議人窮而怨恨滋深桑榆既晚溝壑難填罷有餘辜民亦何罪所當照不謹例革職閑住者也江都縣知縣王家瑞性僻而愚行乖

而躁心頗誠篤顧學步於儇佻之流才實庸常乃效顰為豪放之舉一謂其文移任意寢閣提人犯經月不到衙役因而窟穴其中者一謂其到任後稱門子蠢愚將在京舊用小唱劉三名繼芳接來使用並不關防者一謂其以衙宇不潔將家眷移住顧鄉宦花園本官在縣與劉繼芳留宿後堂者一謂其見糧吏顧承聘年幼即改充庫吏禮書葛子賢色美改為後堂書辦者

一謂其於縣堂西首起造花園拆毀庫吏公廨凡木料磚石取之舖行分文不給價值者一謂其類考生童將生員卷通學全送者一謂其類考童生見年幼者面加稱賞年長者輒行面斥者一謂其以吳邦俊少年美貌文理不通遂取首卷致提學御史把卷驚訝者一謂其在書院閱卷喚進年幼童生三四人各賞紙筆以致眾童嘩然開揭各處投遞者一謂其考取童生多

送四百三十名致知府等官撫掌太息者  
一謂其聽信奸民李化等於芒稻白塔二  
河告批執照許其挑盤竹木過壩致操江  
都御史行府覆查加責禁革者此一臣者  
年猶青壯守未大疵但事體不諳狐鼠恣  
其憑藉之奸舉動多舛衣冠傳其淫縱之  
醜無禮義以肅官常何顏面以立民上然  
蒞任未久簡僻或宜所當照不及例調用  
以觀後效者也再照撫按諸臣監臨一方  
吏治民生最其先務如舊年按臣周盤之  
論桃源知縣計今一年有餘河臣劉東星  
之論豐縣知縣計今八月有餘率皆

留中未下在諸臣亟欲進賢退不肖計安斯民  
以稱

皇上委任至意今乃久而不下舊者既去新者  
未來萬家之邑閭若無主是本除民害益  
滋民擾即如天長縣知縣江楫近被巡漕  
御史論劾該縣愚民遂千百成群圍繞縣

治肆行噪亂莫敢誰何非臣火速傳檄嚴  
諭解散則無知之民始於報怨敢行無禮  
終於懼罪計無復之幾何而不貽地方以  
不可收拾之禍耶今臣等所論二臣皆訪  
之道府采之士民種種的據方爾

上聞伏乞

皇上速賜

勅下吏部再加查訪如果臣等所言不謬覆議  
上

請將譚廷珂革職閑住王家瑞量行調用別選  
賢能以充斯任庶災疲慰望雲之想冠裳  
無掃地之誚矣再惟江都一邑舟車輻輳  
商民雜遝况鹽稅二使盤據於中調停處  
分號為艱劇比之睢寧萬有不同非得精  
明強幹素宦其地者鮮克堪之蓋其勢然  
也近諫臣等共查鹽城縣知縣劉之沂到  
任年餘賢黻四起豈弟既足以宜民勤敏  
又足以集事似宜就近調繁江都一則衝

邑無曠廢之歎一則疲民免迎送之擾計之便宜無過此者統乞

聖明裁定行臣等遵照施行

萬曆二十七年十月十三日具題奉

聖旨吏部知道

停止廬州開礦疏

題為廬州逼近

皇陵不宜開礦敬繪圖以

進懇乞

聖明亟

賜停止以光

聖孝事臣於本年九月內准南京戶部咨談大

興左衛中所百戶王遇桂具

奏奉

聖旨這奏內南直隸寧國池州府等處舊產銀  
礦封禁開採有裨國用准差南京守備司禮  
監太監邢隆劉朝用不妨原管事務帶管督  
率原奏官民前去會同撫按等官照例開採  
銀兩解進不許擾害地方寫勅與他欽此欽  
遵備咨到臣談臣會同按臣安文璧當即  
劄行潁州兵備道查勘隨據該道兵備僉  
事楊繼先呈據廬州府知府龔廷賓申稱  
竊照百戶王遇桂具

奏議於南直隸寧池等府開礦併及廬州但  
事關

國脉利害忝有守土之責者不敢不以預言  
廬屬州縣多係水田惟六安霍山二州縣  
與鳳陽府霍丘縣連界巉石嵯峨間有坑  
洞相傳為礦去

皇陵僅二百里洪武初年設六安衛官軍防守  
嚴禁開採是戕

太祖之為

皇陵慮何深遠也萬曆二十三年水滄泗州  
祖陵議欲由廬州開河洩淮水於巢湖以達於  
江而識者謂

皇陵過脉之地

聖子

神孫鍾靈毓秀一有差失萬死莫贖是以中止  
由此觀之昔日且不敢以泗

陵之滄以洩

皇陵之氣矧今日可為不急之役而遍鑿諸山

以斷來龍之脉乎萬曆二十四年間有詹  
事府錄事曾長慶妄以已意疏

請霍丘六安之間可以開礦奉

旨下部談戶部覆議謂廬州去

皇陵不遠恐傷來脉題奉

欽依停止在卷是當事諸臣皆知其萬無可開  
之理第不察氣脉之自來則不知利害之  
最切用是畧敘來歷以便觀覽按

皇陵龍穴自岷山發脉蜿蜒而來江界乎南淮

界乎北由英霍至於舒城復起少祖之山  
高矗連雲名曰猪頭尖折而左則為武涉  
諸山而盡於六安折而右則為廬起諸山  
由廬江無為而盡於裕溪江口其中抽一  
枝則為紫蓬鷄鳴諸山橫亘合肥而為遠  
障復行百里起平頂大紅諸山雄峙定遠  
而為近障仍出洋三十里方結禁穴以鍾  
王氣而肇子孫萬世

帝王之業以鳳凰山為案濠梁為水口如巢如

和皆其後托而如淮如揚則其餘氣也譬  
人一身丹田其結穴之處而咽喉其過脉  
之衝咽喉受傷則呼吸不續而命蒂其能  
固乎夫

國家之根本在

皇陵而

皇陵之過脉在廬陽舉事一不當異日誰任其  
咎即今北直隸地方凡聯絡

天壽諸陵如昌平州居庸關等處週圍三百里

外礦不敢開則

皇陵過脉之不可開礦尤彰明較著矣合無具奏停採則

聖祖在天之神靈以妥

國家萬世之基本永固而臣子忠愛之誠心克慰

聖上仁孝之大德足以綿綿

國祚鞏金甌於無疆矣抑以

明旨森嚴業有成議本府自當奉行而他日罪

有攸歸母謂本府今日不言也等因呈詳到道為照開山採礦以助

大工固當今急務然

陵寢所在為根本重地亦干係匪輕今廬州與鳳陽連界去

皇陵僅二百里廬屬諸山皆

皇陵過脉先年因泗州

祖陵水患欲於廬州開河洩水曾經多官勘議寔與

陵脉有妨遂爾中止今欲鑿山采礦未免有傷  
來龍諛府職在守土是以不敢不言既經  
畫圖貼說前來請乞會議題

請停止等因呈詳到臣諛臣復會同巡按直隸

監察御史安文璧看得百戶王遇桂所

奏寧國池州等府開礦必及廬州六安等處

但六安山聯絡鳳陽僅二百里許山川磅

礴

王氣所鍾寔我

太祖龍飛之地

皇祖肇基之所

根本重大

聖子

神孫千萬世不拔之業也故鳳陽為江北首郡  
不設城垣六安礦洞洪武初年設有衛所  
官軍以防禁之蓋俱以

皇陵為靈秀所鍾不敢擅興工作不許擅行開  
采何其慎也萬曆二十四年間錄事曾長

慶安

奏六安霍山可以開礦隨該戶部

題議六安距鳳陽

皇陵不遠恐傷

王氣來龍之脉故亟

請停罷萬曆二十五年間泗州

祖陵被淮水淹浸議者欲開廬州支河洩水亦

以風水妨礙而止其慎重

陵脉類如此即百戶王遇桂亦明知此事重大

干礙不小故於

奏內亦不敢明白開具而條陳枝蔓之語乃

稍稍及之此奸人之朦蔽

天聰而敢行無禮如此臣等謹將地界之聯近

龍脉之來歷繪圖進

覽伏望

皇上仰思

祖宗培植之意

俯察歷年議罷之由

勅下戶部將六安山採礦事情

早賜停止仍行南京守備一體遵守庶足以慰祖宗在天之靈而綿

國家無疆之祚矣雖然此猶以神道之幽遠者言也此猶以風水之杳冥者說也若臣等之愚則尤有明白正大進於地脉之外超於術數之先者更為

皇上陳之夫

皇上所嗣者

太祖高皇帝之大統也所守者

太祖高皇帝之家法也

太祖高皇帝純孝格天尊重

陵寢鳳陽不設城垣矣六安不許開採矣

聖德

神謨洋洋如在固

孝子仁人所當萬世欽承者

皇上前日特未之知耳今臣等既言之矣

皇上既知之矣臣愚竊意

皇上必將以

太祖之心為心

太祖之事為事優然若覩松楸淒然若見羹墻  
沛烏下

明詔罷礦役當有不俟終日者此其因心之孝  
感而遂通觸而即應通於神明光於四海  
何俟臣等之喋喋哉而區區形勢之斷續  
風氣之聚散則又在可略矣臣等不勝翹  
跂待

命之至緣係廬州逼近

皇陵不宜開礦敬繪圖以

進懇乞

聖明亟

賜停止以光

聖孝事理未敢擅便為此具本并將

皇陵山川圖說一幅專差承差蔡宗齊捧

進呈

聖覽謹題請

旨

萬曆二十七年十月二十五日具題奉

聖旨朝廷開采礦務原為裕國愛民德意朕心

惓惓敬

天法


祖豈敢令其逼近

皇陵而徧鑿諸山以斷來龍之脉乎這本說得  
是泗州鳳陽并南京及湖廣但係附近  
皇陵地方山場聯絡龍脉遵照

天壽山禁例不許擅行開采以洩靈氣如有不  
導的着欽差內官嚴拏叅奏依律治罪該部  
院知道欽此








G 30

546



州官患病疏

題為州官患病難痊不堪供職乞

准休致并速銓補以安災地事先據揚州府高  
郵州申准知州吳一龍關稱見年四十歲  
江西撫州府崇仁縣人由選貢先任山東  
東昌府濮州朝城縣知縣陞授今職於萬  
曆二十六年二月二十二日到任初奉

命而來茲冀勛力尚堪鞭策迺至止而不暇覺  
精神日就困疲矧有根之痰火旋復侵尋

而鮮效之方劑徒煩攻治伏乞俯矜衰朽  
速賜歸休等因備申前來隨經批行揚州  
兵備道查勘去後今據該道按察使王之  
猷呈稱行據揚州府查勘得知州吳一龍  
才守兼優克勝煩劇偶以痰火復侵遽欲  
亟行回籍情詞迫切誠為可憫今查別無  
違礙相應俯從休致等因到道又經本道  
覆查本官委果真病乞休並無詐託情弊  
合無准令致仕等因呈詳到臣談臣會同

巡按直隸監察御史安文璧看得高郵州  
知州吳一龍心性正直事體縉練祇因痰  
病侵尋調攝未愈既經該道勘實原無規  
避例應准其致仕回籍以便調理再照該  
州素稱灾疲地最衝要河隄之修築正興  
人民之貧困更甚料理撫綏全在得人伏  
乞

勅下吏部再加查議將知州吳一龍照例准令  
致仕回籍遺下員缺遴選才幹官員速為

銓補勒限前來任事庶官守不致曠廢而  
疲民有所倚賴矣緣係州官患病難痊不  
堪供職乞

准休致并速銓補以安災地事理未敢擅便為  
此具本專差承差蔡宗齋捧謹題請

旨

萬曆二十七年十一月初四日具題奉

聖旨吏部知道

縣官給由疏

題為遵例考覈給由縣正官員事案查先據

滁州來安縣申准本縣知縣曾涑關稱見  
年三十七歲廣東廣州府番禺縣人由舉  
人萬曆十四年三月十九日除授直隸廣  
平府清河縣儒學教諭十六年五月初八  
日丁嫡母憂回籍守制服滿赴部十九年  
八月二十一日復除順天府霸州大城縣  
儒學教諭二十一年九月十八日陞授直

隸延慶州永寧縣知縣本年十一月十七日到任二十三年七月二十一日實歷俸二十箇月零四日丁生母憂回籍守制服滿赴部二十六年五月初一日復除今職本年七月初一日到任扣至二十七年八月二十六日止又歷俸十五箇月零二十六日連閏通前共計三十六箇月三年任滿例應給由備申前來隨經批行潁州兵備道查勘去後續據該道僉事楊繼先呈

稱遵行滁州及直隸延慶州永寧縣查勘得知縣曾淶前後兩任月日委果相同任內並無公私過名粘帶不了事件兩縣經管一應起存本折錢糧俱經徵解完足十分積蓄稻穀拆賣引鹽俱各逾數過額農桑等項六事保民實政五事俱已修舉收支贓罰明白清勾軍士原未奉單無憑起解別無違礙應准給由考滿等因造冊呈報到臣卷查先准吏部咨為酌議考課之

法以肅吏治事今後府州縣正官給由免其赴京聽撫按從公考覈賢否具

奏先令就彼復職管事牌冊差人齎繳其稱職經薦應得

誥勅命者照例

請給又為邊官歷俸已深偶因公務改調等事今後考滿官不論前後歷任月日多寡俱得通理各題奉

欽依遵行在卷今據前因該臣會同巡按直隸

監察御史安文璧考覈得來安縣知縣曾涑才能馭下政復宜人稱職除行本官照例復職管事造冊差人齎部外伏乞

勅下吏部覆加考覈施行緣係遵例考覈給由縣正官員事理未敢擅便為此具本專差承差蔡宗齋捧謹題請

旨

萬曆二十七年十一月二十二日具題奉聖旨吏部知道

方面患病疏

題為方面官員患病乞休照例代

奏懇

賜回籍調理事據整飭揚州海防兵備浙江按察使王之猷呈稱本職自本年四月內到任至今兩感痰火已於閏四月內乞休蒙各院勉留不得已出視事者累月既而妻室物故傷感成疾復於十月內乞休又蒙慰留但病勢纏綿日復一日迄今匝月尚

未痊可近復患驚悸怔忡延醫張應元等  
診視僉謂元氣委弱乃陰虛火動之證必  
須屏去公事靜攝方可奏效但本道百務  
攸瘁又當勦多事之秋一切江海防禦  
兵餉調度河務刑名莫非專責杜門月餘  
寧無廢事且家無主婦子女伶仃一心以  
奉公又一心以內顧欲養病則難急公欲  
急公則難靜攝而地方緊要之務有須面  
陳及面自發落者寧可臥治耶乞准照例

題

請另選強幹者代任早歸一日即可靜攝一日  
等因據此簿查本年閏四月初六日先據  
該道呈稱赴任舟中感受風濕之證奔走  
衣儀淮泗之間痰嗽大作病入膝理痰中  
帶血病勢愈增氣體愈弱乞准休致仍委  
別道署事十月初四日又據該道呈稱先  
因水土不服奔走過勞吐血氣喘形容枯  
瘦遂至卧床具文乞休不蒙轉達延至九

月不意妻室病故悲哀過甚夙疾復發日夜不寧飲食盡廢病而愈病道務益廢懇念情非虛假特為准

題休致等因俱經批行在任調理痊可即出視事去後今本官復呈前來詞益迫切歸念已堅難以力挽卷查先該都察院勘劄為申飭告病事例以明臣職以安地方事該吏部題通行各省直撫按官凡在外官員告病乞休照依舊例將本官經管事務

別委相應官署印即為代

奏本部訪其素履酌量題

請等因題奉

欽依通行欽遵在卷今據前因除查委別道帶署道事外該臣會同總理河漕工部左侍郎劉東星巡按直隸監察御史安文璧議照按察使王之猷忠孝傳家真誠任事力足遺大投艱才堪振綱肅紀自今歲四月到任以來鹽稅多事而調停得宜海防戒

嚴而區畫不爽。因奔走急公，勞瘁太甚，以致痰嗽交侵，氣體似弱。近復以凶室之故，悲慘過情，遂爾疾勢愈重。必須靜攝，可望速瘳。第該道所轄地方最號衝繁，百事攸萃。即今鹽稅二事，闔境騷然，全在該道調停安輯。兵部不允馬價充餉，頃在該道親行點汰。至如東征撤回官兵，無處安插，聞在各港以窺伺為奸。沿海災疫不逞之徒，出沒江海，非興販私鹽，則糾夥盜劫。狼

山總兵以西事調赴川貴沿海，僅有二三守令與一二守把之官。狼山與日本對馬島相望，轉盼春汛，且至與夫一切河務刑名種種重大事體，皆該道所當身親料理。時刻不可延緩者，若不速行推補，則下無所承，上無所因。無論廢弛悞事，倘一旦有意外之故，其誰彈壓之伏乞

勅下吏部再加查議，合無准令本官致仕回籍調理遺下員缺。另選才賢即時銓補，仍嚴

行勒限前來速令任事庶春汛不悞而道  
務亦克有濟矣再照本官年資正強才猷  
克壯遽爾投閒不無可惜合候病痊起用  
以副

皇上憐才至意通候該部酌議

上請臣等不敢擅擬緣係方面官員患病乞休  
照例代

奏懇

賜回籍調理事理未敢擅便為此具本專差承

差蔡宗齋捧謹題請

旨

萬曆二十七年十一月二十二日具題奉

聖旨吏部知道

按臣患病疏

題為憲臣中途患病乞

賜放歸調理事據直隸揚州府申奉臣批據江  
西南昌縣民劉明具狀告稱義父劉曰梧  
由進士任浙江道御史奉

命差往蘇松巡按事竣得代時以痰疾舉發具  
疏乞歸得蒙部覆寬限沿途調理復

命當携醫藥就道亦冀漸次痊可勉強前進乃  
緣稟氣孱弱一生狗馬積勞之後愈甚狼

須夜不安枕食不愈合者數月今於十二  
月十六日行至廣陵驛更覺沉重醫人診  
視皆謂元氣虛薄心血耗竭原非旦夕所  
致安望時日奏效即今神畜氣短日就尪  
羸若非習靜攝餌勢必委頓窮途只得懇  
乞代

奏俯容回籍調理等情奉批仰揚州府查勘  
詳報奉此隨令醫人張大賓陳一山前去  
御史劉曰梧患病處所診視委果病症沉  
重急難調治并具不扶甘結回報到府備  
申到臣據此查萬曆元年准吏部咨該  
科臣具奏本部覆奉

欽依凡兩京大小衙門官員中途患病者必須  
所在撫按官覈實具

奏方與准理等因欽遵在卷今據勘報前因  
該臣會同巡按直隸監察御史安文璧看  
得御史劉曰梧奉差蘇松巡按事竣已經  
交代患病乞歸該吏部覆

題寬限沿途調理復

命今行至揚州地方疾勢沉重既經該府勘結  
明確委非詐託相應照例會

題伏乞

勅下吏部覆議上

請准令本官回籍調理庶今日生全可望方來

圖報有期緣係憲臣中途患病乞

賜放歸調理事理未敢擅便為此具本專差承  
差蔡宗齋捧謹題請

旨

萬曆二十七年十二月十八日具題奉

聖旨吏部知道

議助川貴兵餉疏

題為楚滇助餉勢難如期懇乞

聖明下部別處以濟軍興事萬曆二十七年十

二月二十七日該兵部差千戶詹永祥齎

投咨文前事內開准巡撫貴州都御史郭

子章揭稱募兵征播在楚以方用兵勢不

暇助在滇以帑空竭勢不能助而閩粵之

餉又在有無之間乞要於實有積貯省分

別為處給本部題覆兵與餉從來相須必

集餉以待兵未有兵集而待哺者除處餉  
事宜聽戶部覆議外近該都察院覆議戶  
兵二部處餉事宜該兵部催解鳳陽馬價  
十萬兩廣西桂梧二府各勸借十萬兩已  
奉

明旨若道路遷延或爭執不發貴州然眉之急  
其何能濟伏乞

天語叮嚀鳳陽兩廣督撫務以播事為自己之  
事播惡為自己之讎川貴之急如自己之  
急傾囊倒庋丞相救援容馬上差官星夜  
催發以濟倒懸之苦等因奉

聖旨川貴待餉甚急你部裏便馬上差人星夜  
嚴催鳳陽廣西如數解彼濟用不許執留遷  
延悞事取罪還立限與他欽此欽遵備咨前  
來照依題奉

明旨事理將該直前項餉銀一十萬兩作速委  
官解赴四川定限次年二月十五日解至  
軍前應用毋視泛常致悞軍機仍將發過

日期委官姓名一併咨部查考施行等因  
本日又准戶部亦咨前事內開准兵部咨  
題奉

明旨解助川貴兵餉合咨前去煩將鳳陽馬價  
銀十萬兩督行該府星夜差官限次年正  
月終解赴四川軍前應用如違定以違悞  
軍機叅究施行等因本日又准兵部咨為  
餉事孔棘僕議非經懇乞

聖明垂察以濟時艱事內開該都察院會同戶  
兵二部議將兵部鳳陽應解馬價銀六萬  
七千兩再將鳳陽來歲應解折色銀三萬  
三千兩共十萬兩又查將廣西梧州府庫  
貯銀借二十萬兩以足三十萬之數暫濟  
川貴緩急等因題奉

聖旨既會議停當這兵部錢糧准借發川貴用  
欽此欽遵備咨前來速為查照施行等因  
准此案照本年十一月二十四日准兵部  
咨為通計處以濟匱竭事內開該本部題

覆鳳陽巡撫李三才巡按御史安文璧會  
題復留廬鳳淮揚馬價六萬七千兩抵充  
留戍糧餉本部覆議縱淮揚有留戍之兵  
當於戶部請餉據稱二十七年廬鳳淮揚  
馬價三分已去二分應於戶部應解錢糧  
扣補六萬七千之數勒限解納及查戶部  
錢糧在淮揚者鹽課漕折關稅等項每年  
數十萬係應解戶部正額今留戍兵馬糧  
餉係戶部應出正支以正支而取給於正  
額計無善於此者前項馬價銀六萬七千  
兩實難允留自二十七年正月起火速差  
官起解如係戶餉借用若干即於淮揚應  
解錢糧內照數補足通限年終到部等因  
題奉

聖旨是囹庫見今匱乏着撫按上緊催解不許  
違悞欽此欽遵備咨前來煩為欽遵查照施  
行等因到臣臣隨經劄行揚淮二海防  
道遵照一面查汰各營兵馬一面將淮南

淮北各營官兵用過糧餉查於戶部何項錢糧扣還本年十二月二十日准戶部咨為通計處以濟匱竭事內開該本部題覆鳳陽撫按會題議將二十七年兵部馬價銀六萬七千兩今已用過三分之二仍留充餉其戶部項下贓罰稅契船稅共銀五千九百兩照舊仍留備倭二次加派丁地銀七萬四千六百八十八兩以漸豁免相應依擬其支用馬價銀兩兵部要將本部

京庫折銀抵解似難允從今於彼中從長議處抵還等因題奉

聖旨是欽此欽遵備咨到臣諛臣又行揚淮二道查照先後

欽依事理遵行去後至今尚未報到銷撤數目前來查得馬價六萬七千兩不准充餉計銷兵五千五百餘名酌量裁減戰船戰馬方可抵數時已歲暮未即銷汰蓋以召之甚易散之甚難選擇酌處頗費心力又川

貴總督李化龍咨行湖廣撫臣支可大調動淮揚備倭官兵近萬赴偏橋地方應援兵部亦行文到臣衙門酌議事在喫緊該臣牌行揚淮二府推官親詣淮南淮北各營點驗於長中取短汰革三千挑選精壯者二千餘名并東征撤回安插一千二百內挑選五六百名共成三千一營適狼山副總兵王鳴鶴調赴貴州婺川叅將順委統領前去亦以見共濟之誼又以寓銷兵

之計但今兵部差官守取鳳陽馬價六萬七千兩前赴四川但此項江北充餉馬價並非鳳陽一府所有而鳳陽止二萬七千兩廬州二萬兩淮揚二府各一萬兩係二十七年沿海官兵役過之數支給幾盡兵部不允明文係本年十一月二十四日方到猶云以戶部錢糧抵補戶部不許動支京庫錢糧明文係本年十二月二十日方到猶云於彼中從長議處第江北地方素

號洞敞多事之區庫藏在在空乏即有解  
京錢糧亦各有正項將何以議抵此六萬  
七千之數乎是以臣反覆思維計無所出  
無米求炊殊用熱中即坐解來年三萬三  
千兩此項亦須見徵不係已徵在庫錢糧  
即可動支行據揚州府揭開廬州府二十  
七年分克餉馬價二萬未曾解到淮南各  
營關支糧料那東補西聊應一時之急但  
春汛屆期將何給發臣即藉此二萬未解

馬價作數解赴四川即揚庫兵餉不繼另  
行查處尚少八萬兩其勢不得不行借解  
以濟其急該臣謹會同巡按直隸監察御  
史安文璧應朝卿議照頃緣播酋狂逞川  
貴急於徵兵兵部坐派江北馬價委宜奉  
行解助但一半係二十七年支給將盡一  
半又係明年見徵將何起解部限明年二  
月十五日解至軍前勢在然眉若不酌議  
借解未免臨期悞事合無於漕庫船料銀

內借動三萬兩運司鹽課內借動五萬兩  
同見有廬州府二萬兩分作二運委官解  
赴四川軍門交割接濟兵餉容臣等督催  
二十八年分鳳陽府馬價銀二萬兩淮安  
府馬價銀一萬兩解還漕庫船料項下又  
鳳陽廬州二府馬價銀各二萬兩揚州府  
馬價銀一萬兩徑解戶部抵還運司鹽課  
項下俱勒限三箇月內還完其二十七年  
充餉馬價六萬七千兩內廬州府二萬兩  
已解四川尚有四萬七千兩係官兵按月  
關支已盡兵部徑作開銷庶緩急有濟不  
致有違悞之愆矣伏乞

勅下戶兵二部覆議上

請行臣等遵照施行緣係楚滇助餉勢難如期  
懇乞

聖明下部別處以濟軍興事理未敢擅便為此  
具本專差承差涂麒齋捧謹題請

旨

萬曆二十七年十二月二十九日具題奉  
聖旨戶兵二部知道

回 奏詐騙鹽商疏

題為奸徒挾詐害商擾亂鹽政懇乞

聖明亟賜究處以警將來以肅法紀事據署揚  
州海防兵備道事直隸揚州府知府楊洵  
呈解審問過犯人傅國等招由內開傅國  
年三十二歲直隸揚州府儀真縣民有御  
馬監魯少監奉

命差往兩淮地方經理鹽務國與在官順天府  
宛平縣民王嘉會投跟本監前來萬曆二

十七年正月內國與王嘉會衆見本監議  
行存積淮鹽八萬引要浞詐財故違指稱  
內外大小官員名頭誑騙財物計賊犯談  
徒罪以上者不分首從發邊衛充軍事例  
輒向今告在官蘓應雷詐說有官賣存積  
引窩五千你可處銀與我替你打點領賣  
比伊不知詐計遂處銀三十兩交與國等  
詐收均分入已國見在官商人吳正演與  
吳養晦為因別案訟事訐告本監拘審國

要詐財密令父傳蘭江即傳教向吳正演  
誘說我有男在監常隨你可處銀與我替  
你打點方便伊將銀一百兩付傳教過送  
與國詐收入已國又與王嘉會向在官史  
承恩說稱要留存積引窩二萬與國等轉  
賣比恩回稱前引已經本監搭派淮南淮  
北商人支掣未聽因詐未遂後見史承恩  
不在官弟史承志奉文赴南京戶部關領  
存積引目國與王嘉會指稱送官關引紙

張詐得伊銀十二兩四錢均分入已後蘇  
應雷訪知國等夥詐不甘具狀前赴本監  
告准蒙提國等一千人證究出前情將國  
等具本奏奉

聖旨着拏送彼處撫按衙門問擬具奏隨蒙戶  
部移咨都察院備由咨劄巡撫鳳陽李都  
御史巡鹽馬御史會同審勘俱蒙轉行揚  
州海防兵備道案行本府楊知府行提國  
等犯證卷詞到官嚴行究問前情明白具

招連人申解本道覆審無異議得傳國王  
嘉會俱合依詐欺私以取財者計贓准竊  
盜論免刺一百二十貫罪止傳國為首杖  
一百徒三年王嘉會為傳國從杖九十徒  
二年半傳教依說事過錢減二等律杖八  
十徒二年傳國王嘉會照例免其徒杖定  
發邊衛充軍終身審傳教稍有力納贖照  
追傳國王嘉會俱充軍免紙傳教民紙銀  
一錢二分五釐蘇應雷告紙銀二錢五分

傳教贖罪銀七兩二錢傳國王嘉會詐分  
蘇應雷各銀十五兩史承志各六兩二錢  
傳國詐得吳正演銀一百兩俱合入官追  
貯揚州府官庫照例糴穀支解取實收收  
管繳報等因具招連人呈解到臣據此接  
管卷查先准戶部咨山東清吏司案呈奉  
本部送戶科抄出經理兩淮鹽務御馬監  
左少監魯保題前事奉

聖旨這奏內指稱挾詐商銀奸徒傳國王嘉會

傳蘭江都着內官魯保拏送彼處撫按衙門  
嚴行問擬具奏不許容縱該部院知道欽此  
欽遵備咨到臣隨經劄行揚州海防兵備  
道究勘去後今據招解前來覆加研審無  
異諛臣會同巡按直隸監察御史應朝卿  
看得犯人傳國王嘉會挾狐鼠之奸工魑  
魅之術假引窩而誑騙質證甚明指打點  
以詐欺賊私有據各擬遠戍夫復何辭傳  
教濟子作奸詐財說事擬以徒贖亦屬允

宜既經道府究明又該臣等會勘俱無異  
詞相應依擬除將各犯發回監羈聽候外  
今將問過招由理合會同具

奏伏乞

勅下部院覆議

上請行臣等遵奉施行緣係奉

旨會問人犯事理未敢擅便為此具本專差承  
差涂麒齋捧謹題請

旨

萬曆二十八年正月十六日具題奉

聖旨該部院知道

預報盜情并停礦稅疏

題為預報大盜糾衆倡亂見行相機擒捕以

安地方事

臣奉

勅巡撫鳳陽兼海防提督軍務駐劄泰州即今  
春汛屆期方料理防禦事宜始可巡歷海  
上閱視兵馬適於正月初十日據整飭淮  
徐兵備副使郭光復揭報內稱近日山東  
河南北直隸饑民就食徐屬者絡繹相望  
於道所在鄉村星布碁置即地方人等驅

遂以方有賑粥之令亦莫敢誰何來者愈衆見今百十成羣晝則藉乞化為搶奪夜則強竊並行雞犬不寧此輩烏合螳聚之衆恐饑寒切身久之將釀成揭竿之變此其可為隱憂者一也又碭山豐沛之間接壤河南之永夏山東之魚濟等處彼中白蓮等教盛行奸人出沒莫可窮詰近風聞有永城人趙撫民綽號趕猪山東人孟化鯨綽號繼山浙江人趙天元改姓名陳古

元者時往來豐碭徐州之間招集亡命布散流言倡謀於二月間欲發大難之端雖本道差人各處密訪尚未見有實迹憑據但道路諠傳大駭聽聞當此人心思亂之時恐未必無因此其可為隱憂者二也又權使心術莫測初諛本道駕馭調停似亦不甚干擾百姓但近為左右奸人播弄往往波及富民如徐州監生張之綱因為吳希顏挾讐投告內府其中書程守訓等大

行嚇詐比本道將吳希顏重懲枷號渠計不行遂將本生裝入吳宗堯事內仍併將山東各處富民十餘名具名疏中見今差官捉拏立見傾家遠近聞之無不股慄本道目擊歎息惟有短氣耳如此景象奈何地方不釀而為亂耶此其可為隱憂者三也以上事關地方重大除本道申嚴保甲驅逐流民整飭武備已為潛消默散之計仍偵訪的據另行馳報以圖設法擒拏渠

魁等因據此先該總理河臣於舊歲十二月初見得隣境災傷流民趨食徐方者日衆而本處鹽稅驛騷紛紛多事人心無聊不糾聚為盜則凍饑以死會同臣及巡按諸臣牌行淮徐鳳廬四府州動支倉穀春米委廉勤官委好義之人於往來衝路設廠煮粥聊度饑民生命至農事興起方止今據報趙撫民輩往來豐碭之間雖有聲聞未見實迹亦未可張大輕動即密劄該

行嚇詐比本道將吳希顏重懲枷號渠計  
不行遂將本生裝入吳宗堯事內仍併將  
山東各處富民十餘名具名疏中見今差  
官捉拏立見傾家遠近聞之無不股慄本  
道目擊歎息惟有短氣耳如此景象奈何  
地方不釀而為亂耶此其可為隱憂者三  
也以上事關地方重大除本道申嚴保甲  
驅逐流民整飭武備已為潛消默散之計  
仍偵訪的據另行馳報以圖設法擒拏渠

魁等因據此先該總理河臣於舊歲十二  
月初見得隣境災傷流民趁食徐方者日  
衆而本處鹽稅驛騷紛紛多事人心無聊  
不糾聚為盜則凍饑以死會同臣及巡按  
諸臣牌行淮徐鳳廬四府州動支倉穀春  
米委廉勤官委好義之人於往來衝路設  
廠煮粥聊度饑民生命至農事興起方止  
今據報趙撫民輩往來豐碭之間雖有聲  
聞未見實迹亦未可張大輕動即密劄該

道極力調停多方安戢惟以收拾人心為第一義又令申飭文武將吏加意防禦分布淮徐各營兵馬懸賞鼓舞相機偵探如情形大露設計擒治如聲勢未大猖狂殲厥渠魁散厥黨與至如流來趨食饑民諭令各諒有司善為撫恤即粟之不繼諒道可便宜行事移粟接濟可止則止相機而行惟在得當去後本月十三日又據該道呈報碭山縣普安口接壤河南之永夏山

東之單縣三面濱臨黃河近二省失收饑民趨食遂乘機嘯聚為非查得單縣人唐雲峰年四十餘歲赤面身長精通武藝勾引四外教師及說書賣藥筭命無賴之徒往來蕭碭之境不搶財惟演習武藝強向富民貸借銀米食用動稱小廝們到日一倍還十倍如不允從揚言殺害及偵探雖未有倡亂實迹而遠近不無驚疑已申嚴保甲以散其黨整飭武備以懾其心本道

密差兵快四外緝訪擒拏外合行呈報等  
因該臣看得唐雲峰雖係山東籍民而倡  
亂強貸乃切近蕭陽之間似不可以隔省  
踈縱漸不可長批行該道嚴行防禦以靖  
地方去後本月十五日又據該道揭報內  
稱本道探訪得首惡趙世龍號老天即趙  
赶猪是也係浙江人假稱閣老兄弟又說  
是江南人此惡年三十餘歲容貌異常文  
武皆通招集省直亡命之徒不止萬餘議

於二月初二日自豐縣起手雖尚未見有  
顯迹查其情形似真所據偵訪號令詞語  
及各名諱合行開報一號令二月二龍臺  
頭鎮守的衆將軍齊來到五鳳樓先占秦  
臺為根由選令李奎去徐州截糧運殺各  
侯那時節一統天下方顯你我弟兄手段  
一亭臺集東方將孟化鯨號東王知奇門  
遁法寇良相號書帥郭三省名下將有一  
百名一歡口集北方將王尚忠今改名會

衡即王孟誨寄學秀才兄王尚志見在學  
可審會衡號機謀將軍于養正號坐主劉  
繼先名下將一百名一西方將李後川號  
莽張飛周學武號周倉劉思智號搶命將  
軍蔡桐號叅謀一南方將丘三策大號丘  
中軍俱五方之首其小將有五百名一城  
裏關外王尚禮號亭山辛乾號屈朱王李  
世能號先鋒李奎臺思智改名可觀白相  
術士王孔如號元帥劉允武號劉先主小

將有一百名以上逆黨情由初聞之猶恐  
訛傳未敢輕報及本道節次查訪相同事  
雖未行而謀實已著本道於正月十二日  
密寂多差兵快乘其黨與未集之先分投  
前去設法擒拏渠魁不致株連脅從以安  
人心以消難端臨期另行呈報惟徐州官  
兵五百請乞調發淮安大營官兵分布防  
禦應援亦然眉抹急之計等因據此該臣  
看得前項鄰境地方饑荒盜賊理勢必然

若糾衆干紀謀危

社稷恐未必盡真然盜之聚也每起於微若禦之不早且釀成大變况今糧運盛行流移滿目道路洶洶俱以搶奪糧運為言臣又不敢過為張皇驚擾士庶假以巡歷為名已於正月十五日遣牌十七日起行閱視兵馬防護糧運先至徐州以示先嚴以觀動靜又劄行該道務須權其輕重酌其緩急張兵威以遏其來示招撫以散其黨開

以出首之門許以自新之路嚴行曉諭亟令歸首如係隣省之人聽所在官司給與執照俾得生還雖係真正盜賊有能改悔願求首正者亦准免前罪如果嚴勢衆大恃惡不悛方嚴督官兵共行撲捕及令速行鄰境山東河南各該有司協力防禦擒治又計賊輩舉動如此黨與必多至如江洋之中鹽徒湖盜動以千萬計頽毫之間白蓮無為等教動以數萬計恐其窺伺釁

隙待時響應又劄行揚潁二兵備道大加  
譏察防備去後今照前因諛臣會同總理  
河漕工部尚書劉東星巡按直隸監察御  
史安文璧應朝卿覆看潁山東河南等處  
赤地千里死亾載道徐州豐碭之間率皆  
饑民就食而求城之趙撫民單縣之唐雲  
峰乃即乘隙遘會肆其猖狂造作謠言謀  
戕大難詳味偽弭殊駭觀聽且徐淮一方  
實為南北咽喉極稱緊要之區自古奸雄

必爭之地乃近年以來百倍凋疲加以鹽  
稅多故蜂蠆市廛魚肉閭里人人喪其樂  
生之心在在時起偕亾之歎時勢之舛日  
新月盛是以草澤亡命之徒敢為揭竿斬  
木之舉趙撫民輩皆係么麼無賴忽動邪  
謀咸生妄想無聊之衆遂爾依附幸賴  
社稷之靈早得露泄即當擒服以正

典刑第就食饑民蜂屯鱉聚不得不刼掠搶奪  
以救朝夕東奔西逐條聚條散即不弄兵

潢池而流毒地方待時觀釁亦非細故臣等惟以奉宣

朝廷德意撫諭解散為主仍行移粟賑粥收拾人心止捕首惡以明法紀散其脅從俾令自新必不顯行殺戮致干

天和有負

皇上惠養黎元至意除候臣三才躬至徐州不動聲色安示撫綏仰伏

天威擒拏首惡至日另行奏

聞外所據該道報到前項盜情係關地方大事理合先行題

報仍乞

勅下兵部申飭山東河南北直各該督撫兵備府州縣等官一體招撫饑民加意防禦施行又惟

皇上特差內使采礦取稅原為裕

國理財一時權宜之計初不許其騷擾地方殘傷百姓

聖德如天萬目共覩乃所遣之內使紛布四出  
皇上未能一一必其賢也即

皇上必所遣之皆賢矣而內使隨從千百成羣  
內使安能一一必其賢乎即內使之隨從  
皆賢矣而隨從之衆更有隨從又不啻萬  
萬計內使又安能一一必其皆賢乎此輩  
近不慮

朝廷之憲典遠不慮萬世之罵名小不慮自  
己之滅門大不慮

宗社之傾覆惟知有己何知有

國家惟知一己之溫飽何知萬姓之饑寒磨  
牙鼓吻朝剥夕吸四海鼎沸而彼惟恐

明主之或聞天下瓦解而彼惟恐

明主之或見不曰地方安靜並無他事則曰彼  
故張皇結黨

瀆擾不曰小民易制何敢生亂則曰責備撫按  
他自有處是以虐焰日熾民怨日深以故  
不逞奸徒藉之為口實無聊饑民附之為

羽翼攘臂而奮者隨地皆然一呼而應者  
動以萬數共起無將之心咸有侯王之想  
蠢爾愚民何知何識前既惑於富貴之熏  
心後又迫於饑寒之切骨彼且不有  
皇上而又何有於撫按哉所謂水以載舟亦以  
覆舟割肉充饑終於共斃也已懇乞  
天語申飭礦稅各官嚴加查訪如有羣小生事  
據實拏

奏猶存

典刑稍救赤子亦然眉之計也倘若天昭

聖德神啟

帝衷一還萬曆二十年前之美政盡蠲萬曆二  
十年後之權宜

沛烏下

明詔與天下更始一切礦稅之使盡數撤回或  
令地方各官如數徵解或念災疲子遺  
特從罷免此則

皇天

后土共鑒

帝治之罔愆

聖祖

神宗具歆

明德之無數率土更生普天再造惟在我

皇上一默思之餘一轉移之間而已非臣下所

能知亦非臣下所能必者臣等不勝悚息

待

命之至為此具本專差承差涂麒齋捧謹題請

旨

萬曆二十八年正月十六日具題二月初

九日太子太傅兵部尚書田樂等據揭題

請奉

聖旨且舊年災沴流行各省多罹饑饉朕常憂

念屢旨着有司多方賑恤嚴飭中外各官不

許生事擾民用彰愛育之意何今淮徐賊徒

輒敢肆為搆結倡亂惑民自干法紀有難輕

宥着該督撫官上緊設法緝拏有名首惡若

在各省流徙不常通行廣捕挨拏務在得獲  
毋令漏網不許推諉縱奸遺害致啟釁端其  
餘脅從誑誤的一切勿問不許株連以害良  
善所在出榜曉示使百姓咸知朝廷德意安  
心生理還着河南山東保定各督撫巡按用  
心撫輯救濟以安災民仍加意防禦毋令地  
方有警責有所歸欽此



